

Hoih Suyoz Bueklwnh

数学辩论会



Dangz suyoz hozdung, ban dou gawjhengz ciengz suyoz bueklwnh he. Bouxcujciz Cuh lauxsae ok diuz daez yienghneix hawj daihgya: Gyaz beij yez noix 20%, yienghneix yez beij gyaz lai bak faenh cih geij?

Yawj daezmoeg le, mbiengjlamz daibyauj Gauh Cibungz naeuz: "Ginggvaq daujlun, doih dou nyinhnaeuz gawqyienz gyaz beij yez noix 20%, yienghneix yez haengjdingh beij gyaz lai 20%....."

Mbiengjinding daibyauj Cauz Yijgoj caengz caj Gauh Cibungz gangj sat couh buek naeuz: "Doih dou nyinhnaeuz yez beij gyaz lai 25%."

Mbiengjlamz daibyauj Gauh Cibungz riu naeuz: "Gvanhdenj mbiengj dou cij deng. Daihgya cungj rox, gyaz beij yez noix 20 aen, yez

couh beij gyaz lai 20 aen; gyaz beij yez noix 40 aen, yez couh beij gyaz lai 40 aen. 20% couhwdg 20%, gaenbonj bienq mbouj baenz 25%."

Mbiengjlamz daibyauj Gauh Cibungz vah ngamq gangj sat, mbiengjinding daibyauj Cauz Yijgoj sikhaek buek naeuz: "Mbiengj dou genhciz nyinhnaeuz yez beij gyaz lai 25%. Lumj, sam nienzgaep miz 100 boux hagseng, hagseng seiq nienzgaep beij sam nienzgaep noix 20%, couhwdg 20 boux, ndigah seiq nienzgaep miz 80 boux. Seizneix, dou dwg au vunzsoq sam nienzgaep guh danhvei '1'. Vunzsoq sam nienzgaep beij seiq nienzgaep lai bak faenh cih geij ne? Biucinj gaj guh seiq nienzgaep lo, seizneix vunzsoq seiq nienzgaep couhwdg danhvei '1'. Seiq nienzgaep cij miz 80 boux, 20 boux dwg 80 boux bak faenh cih geij ne? Liedsik dwg $20 \div 80 \times 100\% = 25\%$, ndigah hagseng sam nienzgaep beij hagseng seiq nienzgaep lai 25%." Bouxyawj bueklwnh bekwngz goksasa. Bouxcujciz Cuh lauxsae hix vih mbiengjinding gangj haenx ngaek gyauej haenhndei.

Mbiengjlamz mbat neix caencingq saw lo. Mbiengjlamz daibyauj Gauh Cibungz naeuz: "Dou gaenq rox lo, gangj bak faenh beij seiz, wnggai sien dingheinj au byawz guh danhvei '1', hix couhwdg dingheinj au byawz guh biucinj doxbeij. (roek nienzgaep Cwng Gyahdung)

Faenyiengj Nit

分享寒冷

Lauxsae ciengz lwnh dou, yaek lai caeuq vunz faenyiengj, faenyiengj mboujdanh ndaej sawj bouxwnq angq, hix sawj swheij engq angq. Ginglig baez youh baez faenyiengj, sawj gou gamjdaengz swheij majhung lo. Ndwade miz baez ginglig faenyiengj he, gou seizneix geiq ndaej lij gig cingcuj.

Haen dwg ngoenz bongjrumz doeksiet he, daxmeh soengq gou bae hagdangz. Gwnz loh, siet yied doek yied hung, daengz bakdou hagdangz, gwnz

dieg cungj hau lo. Gou yawjraen daxmeh daenj buh mbang lai, fwngz nit dwk hoengzfwdfwd, gou gig sim' in. Gou ganjgip iet fwngz gvaqbae gop gaiqfwngz daxmeh, lij yungh bak ha gij heiq raeuj daengz fwngz gou caeuq daxmeh bae. Gizsaed fwngz gou hix nit ndaej caepcat, hoeng gou couhwdg siengj raeuj gaiqfwngz daxmeh. Daxmeh angq dwk riu naeuz: "Fwngz mwngz hix nit ha, vaiq haeuj gyausiz bae ba, ndaw gyausiz raeuj." Gou riu naeuz: "Gou neix dwg caeuq mwngz faenyiengj nit, yienghneix gij nit mwngz couh noix dingz ndeu



lo!" Daxmeh dingq gou baenzneix gangj, riu ndaej engq van lo.

Faenyiengj nit, sawj gou caeuq daxmeh mbouj caiq gamjdaengz nit; faenyiengj nit, seizdoeng caiq nit hix miz cingzraeuj.

(sam nienzgaep Cwngz Gezboz)

Daegcoengh mbouj lijgaj cam naeuz: "Ndaw doz cij miz dahniq boux dog, de baenzlawz gangj vah ne? Dwg gag gangj gag naeuz ba?"

"Mbouj itdingh bw. Lumj mbwn gig nit, baihgrog bongjrumz roengzsiet, daxmeh de itdingh gig sim' in de, heuh de gaej bae lo, fanjcingq daihgya cungj rox ngoenzneix roengzsiet. Hoeng de genhciz yaek bae, de lwnh daxmeh naeuz: "Dienheiq yawhbauq gwnz densi caeuq ndaw gvangjbo, couhwdg daj gij cingzgvang haujlai dieg gisieng cazyawj comz hwnjdaeu cij ndaej okdaeu. Gij cingzgvang dieg gisieng cazyawj dou mbouj ndaej noix, mboujnex yawhbauq couh mbouj cinj lo.

Mehnax daezdiemj sawj Daegcoengh fwt rox lo: "Deng. Dahniq neix youq mwh ciepsouh yinvu, cancangj

sij cozvwnz cingzgingj


Yawj Doz Sij Cozvwnz

看图写作文

lauheiq hix mbouj cuengqsim, siengj vuenh lwgsai roxnaeuz dahsau nienzgeij haemq hung bae. Hoeng de giendingh naeuz: "Gou hag gvaq song bi gisieng cihsiz, youq gisieng cihsiz doxdax ndaw hagdangz gawjhengz haenx ndaej gvaq itdaengjciengj, gou itdingh guh ndaej ndei gij hong gisiengyenz." Lij miz baez ndeu, de dwgliengz lo, gij doengzhag wnq cungj naeuz lawh de bae dieg gisieng

cazyawj geiq cingzgvang dienheiq, de cungj mbouj dapwngq: "Sou gak boux gag miz saeh swheij, di dwgliengz neix suenq gijmaz, gou gag bae ndaej."

Mehnax siengj mbouj daengz Daegcoengh fanjying ndaej baenzlai vaiq, nyaenx mbouj ndaej bek fwngz hwnjdaeu. "Daegcoengh caen coengmingz, baez daezdiemj couh rox lo." (4)



Fwjhaemh Angj Gyaueu

炫酷的晚霞

Banhaemh, daengngoenz ndonj gvaq caengzfwj, caenhrengz dawz gij ronghndat doeklaeng saj youq gwnzmbwn baihsae. Seizde baihsae gwnzmbwn, lumjbaenz miz ciengz heiq gyaundeit he yaek biuyienj, daeng gyaundeit gwnz daizheiq doengzcae hai rongh, geij duj fwj henz de deng nyumx baenz saek hoengzoiq.

Daengngoenz youq yaek doek roengz bya yaepyet haenx, lij mbouj lumz biuyienj gij cezmuz bienqnaix caixhangz de hawj daihgya yawj. De caenhrengz daj caengzfwj ndonj aen' gyauej de okdaeu, yaep he dwg aennaj nding' yanyan, yaep he youh loh' ok aennaj henjmyagmyag. Daengngoenz mwh nding lumj aen giuzfeiz hung he, mwh henj lumj aen mbakdoengj hung he. Menhmenh, daengngoenz sou gij ronghmyag lwenqda de hwnj, lumj dahniq launyaenq he, aennaj ndingfwdfwd. Dujfwj henz de hix riengz dwk daz hwnj saeknding.

Gvaq yaep he, ndit bienq myox lo. Dujfwj henz daengngoenz bienqbaenz gak cungj saek, lumj boux canghdajveh mbouj siujsim saj gij saek dajveh de youq gwnzmbwn nei. Yaepyet, fwjhaemh bu ok buenq aen mbwn.

Yaep he, gwnzmbwn okyienh song duz lungz, lumj "song lungz daeuq caw" ndaw gojlgwnyez ityiengh, youq gwnzmbwn mbin hwnj mbin roengz, loengh aencaw hajsae. Gyoengqde guhcaemz ndaej cingq angq, swnh gou yaepda mbat haenx siusaet lo. Gwnzmbwn yaep he youh lumj seiqgyaiq doenghduz, yaep he youh lumj bya'bya lueglueg....., aenda gou cungj yawj mbouj gvaqdaeu.

Menhmenh dwk, daengngoenz deng gij fwj mongndaem doi daeu haenx cw youq lo, gij rongh myox lo. Youq ndaw sing roeg haeuj rongz caeuq sing riu gyoengqvunz, fwjhaemh sou hwnj gij rongh doeklaeng de. Yawj fwjhaemh ciemhciemh siusaet haenx, gou gag siengj: Sengmingh fwjhaemh gig dinj, hoeng de au gij gingisaek cei gyaue de louz hawj le gyoengqvunz.

(roek nienzgaep Cah Vwnzvei)

